



ՈՒՍՈՒՑՉԻ ԱՌԱՐԿԱՅԱԿԱՆ ԳԻՏԵԼԻՔԻ ՍՏՈՒԳՈՒՄ

2023

ՀԱՅՈՑ ԵԿԵՂԵՑՈՒ ՊԱՏՄՈՒԹՅՈՒՆ

ԹԵՍՏ 2

ԽՄԲԻ ՀԱՄԱՐԸ

ՆՍՏԱՐԱՆԻ ՀԱՄԱՐԸ

**Հարգելի՛ ուսուցիչ**

Գիտելիքների ստուգման թեստը կազմված է 70 առաջադրանքներից, որոնց ընդհանուր միավորը հավասար է 70-ի:

Դրանից ընտրովի առաջադրանքներին բաժին է ընկնում 40 միավոր (40 առաջադրանք), կարճերին՝ 24 միավոր (24 առաջադրանք) և կարճ-վանդակավորներին՝ 6 միավոր (6 առաջադրանք):

Թեստը ներառում է առաջադրանքներ «Հայոց եկեղեցու պատմություն» առարկայի հանրակրթական ծրագրերով նախատեսված թեմաներից:

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք: Եթե չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք դրան անդրադառնալ ավելի ուշ:

Թեստի կատարման համար հատկացվում է 180 րոպե:

**Թեստ-գրքույկի էջերի դատարկ մասերը կարող եք օգտագործել սնագրության համար:**

**Կարդացե՛ք մեջբերված հատվածը և պատասխանե՛ք 1-3-րդ հարցերին:**

*«Կատրամհդե թագուհին, որը Սյունյաց Վասակ իշխանի դուստրն էր, բարեպաշտուհի լինելով, կառուցեց Սմբատի հիմնադրած եկեղեցին ամենապայծառ վայելչությամբ, որպես բարձրաբերձ կամարներով զմբեթավորված երկնանման խորան և զարդարեց ծիրանածաղիկ, ոսկեթել նկարազարդ գործվածքներով, արծաթե և ոսկե անոթներով, նաև պայծառ լուսատու անոթների բազմությամբ, որով շողում էր երկնակամարում Անիի Սուրբ Կաթողիկեն»:*

**1** Ո՞վ է մեջբերված հատվածի հեղինակը.

- 1) Արիստակես Լաստիվերցի
- 2) Մատթեոս Ուռհայեցի
- 3) Ստեփանոս Տարոնեցի Ասողիկ
- 4) Կիրակոս Գանձակեցի

**2** Ո՞ր աշխատությունից է մեջբերված հատվածը.

- 1) «Տիեզերական պատմություն»
- 2) «Հայոց պատմություն»
- 3) «Ժամանակագրություն»
- 4) «Պատմություն»

**3** Ու՞մ դուստրն էր թագուհին.

- 1) Գագիկ Արծրունի թագավորի
- 2) Սյունյաց Վասակ իշխանի
- 3) Սմբատ Բագրատունի իշխանի
- 4) Տաշիր Չորագետի թագավոր Դավիթ Բագրատունու

**Կարդացե՛ք մեջբերված հատվածը և պատասխանե՛ք 4-6-րդ հարցերին.**

*«...Պատմում են, որ մինչև կյանքի վերջին բուպեն ձախ ծոցի գրպանում մի թուղթ էր պահում, որից չէր բաժանվում գիշեր-ցերեկ. թե ինչ բովանդակություն ուներ այդ թուղթը, ոչ ոք չգիտեր, որովհետև նա ոչ ոքի ցույց չէր տալիս: Բայց երբ «...» վերադարձավ և մտերիմների հետ խոսք ու զրույց էր լինում Պասկնիչի ու անցած գնացած անցքերի մասին, ծերունի հայրապետը ձեռքը դնում էր ձախ ծոցի վրա և խորին հառաչանքով ասում. «Պասկնիչը ահա այստեղ է կաշկանդված»:*

**4** Ո՞վ է մեջբերված հատվածի հեղինակը.

- 1) Նորայր Սարուխանյան
- 2) Ստեփան Կերտոզ
- 3) Կյուրեղ Քիպարյան
- 4) Մաղաքիա արքեպիսկոպոս Օրմանյան

**5** Ո՞ր կաթողիկոսի մասին է մեջբերված հատվածը.

- 1) Մկրտիչ Ա. Խրիմյան
- 2) Հովհաննես Ը. Կարբեցի
- 3) Ներսես Ե. Աշտարակեցի
- 4) Մատթեոս Ա. Կոստանդնուպոլսեցի

**6** Որտեղի՞ց էր վերադարձել կաթողիկոսը.

- 1) Բեռլինից
- 2) Թիֆլիսից
- 3) Կ.Պոլսից
- 4) Բեսարաբիայից

**7** Ըստ ռուսական պետական Դոմայի պաշտոնյայի հուշերի ո՞վ էր պահանջում, որ հայերը մյուս ժողովուրդների նման երդման արարողությունը կատարեն ռուսերեն.

*«Այն դեպքում, երբ Կովկասում բոլոր մյուս ժողովուրդները երդման արարողությունը կատարում էին ռուսերեն, հայերը անհասկանալի ավանդույթի ուժով պահպանեցին այդ բանը հայերեն անելու իրավունքը: «...» պահանջեց, որպեսզի դադարեցվի դա: Չնայած այդ պահանջը առաջադրվեց միանգամայն կտրուկ ձևով, այն շրջաբերականով հանգուցյալ Մկրտիչ Խրիմյանի իշխանությամբ չեղյալ համարվեց»:*

- 1) Կովկասի փոխարքա Ի. Վորոնցով-Դաշկովը
- 2) Վարչապետ Պ. Ստոլիպինը
- 3) Կովկասի կառավարչապետ Գ. Գոլիցինը
- 4) Ռուսաստանի լուսավորության նախարար Ի.Դեյանովը

**Կարդացե՛ք մեջբերված հատվածը և պատասխանե՛ք 8-րդ և 9-րդ հարցերին.**

*«Նրա իմաստության համբավը տարածվեց բոլոր ազգերի մեջ. Թեոքրա անունով մի կոստանդնուպոլսեցի իմաստասեր լսելով սրա հռչակը՝ իր գրքերը բառնալով գրաստների վրա, եկավ փորձելու և վերահասու լինելու նրա իմաստությանը: Եկավ, շատ օրեր զրուցեց նրա հետ ու գտավ ամեն բանի մեջ հմուտ, նաև Սուրբ Հոգով լցված»:*

**8** **Հայոց ո՞ր նշանավոր կաթողիկոսի մասին է խոսքը.**

- 1) Մովսես Գ. Տաթևացի
- 2) Հովհաննես Գ. Օձնեցի
- 3) Բարսեղ Ա. Անեցի
- 4) Ներսես Դ. Կլայեցի

**9** **Ո՞ր պատմիչի աշխատությունից է մեջբերված հատվածը.**

- 1) Առաքել Դավրիժեցի
- 2) Կիրակոս Գանձակեցի
- 3) Մատթեոս Ուռհայեցի
- 4) Հովհաննես Ե. Դրասխանակերտցի

**Կարդացե՛ք մեջբերված հատվածը և պատասխանե՛ք 10-րդ և 11-րդ հարցերին.**

*«Երկրում աճել ու բազմացել էին խաղաղությունը, պտղաբերությունը, առատությունը և գործի հաջողությունը և աստվածային պաշտամունքը... »:*

**10** **Հայոց ո՞ր արքայի գահակալության ժամանակաշրջանն է բնութագրել պատմիչը.**

- 1) Գագիկ I
- 2) Տրդատ III Մեծ
- 3) Խոսրով III Կոտակ
- 4) Սմբատ II

**11** **Ո՞ր պատմիչի աշխատությունից է մեջբերված հատվածը.**

- 1) Մատթեոս Ուռհայեցի
- 2) Փավստոս Բուզանդ
- 3) Ղազար Փարպեցի
- 4) Ստեփանոս Տարոնեցի Ասողիկ

**12** Որտեղի՞ց է մեջբերված հատվածը.

*«...Հաւատամք եւ ի մի միայն յԸնդհանրական եւ յԱռաքելական Սուրբ Եկեղեցի, ի մի մկրտութիւն, յապաշխարութիւն, ի քաւութիւն եւ ի թողութիւն մեղաց, ի յարութիւնն մեռելոց, ի դատաստանն յաւիտենից հոգւոց եւ մարմնոց, յարքայութիւնն երկնից և ի կեանսն յաւիտենականս»:*

- 1) Հայաստանյայց Առաքելական Սուրբ Եկեղեցու Հավատո շանգանակ
- 2) Եփրեմ Ասորու «Հոգևոր խրատներ»
- 3) Գրիգոր Նարեկացու «Մատյան ողբերգության» աղոթագիրք
- 4) Ղազար Ա. Ջահկեցու «Գիրք աղօթից, որ կոչի Աստուածաղերս»

**Կարդացե՛ք մեջբերված հատվածը և պատասխանե՛ք 13-րդ և 14-րդ հարցերին.**

*«... Ժողովուրդ ամենեն առաջ քո ազատության հույսը քո վրա դիր, քո խելքին, բազկին ուժ տուր, մարդ ինքն իրմե պետք է աշխատի, որ փրկվի»:*

**13** Հայոց ո՞ր կաթողիկոսն է մեջբերված խոսքերի հեղինակը.

- 1) Վազգեն Ա. Պալճյան
- 2) Հովսեփ Ա. Հոդոցմեցի
- 3) Մկրտիչ Ա. Խրիմյան
- 4) Գևորգ Ե. Սուրենյանց

**14** Նշվածներից ո՞ր կարևոր իրադարձությունն է տեղի ունեցել նրա գահակալության տարիներին.

- 1) Սարդարապատի ճակատամարտը
- 2) Ավարայրի ճակատամարտը
- 3) Շուշիի ազատագրումը
- 4) Խանասորի արշավանքը

**Կարդացե՛ք մեջբերված հատվածը և պատասխանե՛ք 15-րդ և 16-րդ հարցերին.**

*«Միհրանյան տոհմի փառքը զագաթնակետին հասցնողը քրիստոնեություն ընդունած Վարազ Գրիգոր իշխանի երկրորդ որդին էր՝ «...»: Դառնալով Աղվանքի բանակի հրամանատար՝ նա, միաժամանակ, դեռ հոր կենդանության օրոք, իր ձեռքն առավ ամբողջ երկրի կառավարությունը: Իր այդ գործի համար երիտասարդ իշխանը ժողովրդական հերոս դարձավ: ... Մուլավիա խալիֆը «Արևելքի իշխանին» հանձնեց բոլոր արաբական հողերի կառավարումը մինչև Կովկասի մեծ լեռնաշղթան և մանավանդ հոն-խազարների հետ բարեկամական հարաբերությունների մշակումն ու պահպանումը»:*

**15** Ո՞վ է մեջբերված հատվածի հեղինակը.

- 1) Մադաթիա արքեպիսկոպոս Օրմանյան
- 2) Լեո
- 3) Փավստոս Բուզանդ
- 4) Մովսես Կադանկատվացի

**16** Ո՞ւմ մասին են հեղինակի խոսքերը.

- 1) Ջվանշիր
- 2) Վաչե
- 3) Առանշահիկ
- 4) Վաչագան

**Կարդացե՛ք մեջբերված հատվածը և պատասխանե՛ք 17-րդ և 18-րդ հարցերին.**

*«Հարման տարիներ ապրելով սերեց Արամին: Արամի մասին պատմում են, թե շատ քաջագործություններ է կատարել հաղթական պատերազմներում և ընդարձակել է Հայաստանի սահմանները բոլոր կողմերից, ում անունով էլ բոլոր ազգերը կոչում են մեր երկիրը, ինչպես հույները՝ Արմեն, իսկ պարսիկներն ու ասորիները՝ ... »:*

**17** Ո՞ւմ աշխատությունից է մեջբերված հատվածը.

- 1) Միքայել Չամչյան
- 2) Մովսես Խորենացի
- 3) Փավստոս Բուզանդ
- 4) Ղազար Փարպեցի

18

Ըստ հեղինակի՝ ինչպե՞ս են հայերին անվանել պարսիկները և հույները.

- 1) Արամե
- 2) Արմենոս
- 3) Արմոս
- 4) Արմենիկ

19

Ո՞վ է մեջբերված խոսքերի հեղինակը.

*«Մանկությունից ի վեր ես պատերազմների մեջ եմ մեծացել, ամեն վերք հանձն եմ առել քաջությամբ, և ինչո՞ւ ես բախտ չունեցա պատերազմի մեջ մեռնելու...»:*

- 1) Մանվել Մամիկոնյան
- 2) Վասակ Մամիկոնյան
- 3) Վարդան Մամիկոնյան
- 4) Մուշեղ Մամիկոնյան

Կարդացե՛ք մեջբերված հատվածը և պատասխանե՛ք 20-րդ և 21-րդ հարցերին.

*«Նա քաղցր եղանակով գրեց Մուրբ պատարագի քարոզը, նույն խոհականությամբ՝ շարականների տները, իր անվան տառերով երկու գանձեր՝ մեկը «Վարդավառի», մյուսը՝ «Աստվածածնի փոխման»:*

20

Ո՞ւմ աշխատությունից է մեջբերված հատվածը.

- 1) Սմբատ Գունդստաբլ
- 2) Մատթեոս Ուռհայեցի
- 3) Արիստակես Լաստիվերցի
- 4) Կիրակոս Գանձակեցի

21

Ու՞մ մասին է մեջբերված հատվածը.

- 1) Ս. Գրիգոր Նարեկացի
- 2) Ս. Հովան Որոտնեցի
- 3) Ս. Հովհաննես Գ. Օձնեցի
- 4) Ս. Ներսես Դ. Կլայեցի

**22** Ո՞վ է մեջբերված խոսքերի հեղինակը.

*« ... Մեր պատմության անցյալ դարերը լի են քաջության օրինակներով, ներկված են նահատակների արյամբ: ...Դարեր շարունակ հայոց ազգն այսպես է ապրել՝ իր ինքնության համար պայքարելով, իր վաղվա համար այսօր մեռնելով: Դրա համար է, որ զանգվածային կոտորածներով ու մահերով հարուստ մեր կենսագրությունը չի ունեցել և երբեք էլ չպիտի ունենա վերջին վերջակետ»:*

- 1) Արամ Մանուկյան
- 2) Մկրտիչ Ա. Խրիմյան
- 3) Գևորգ Ե. Սուրենյանց
- 4) Գարեգին Եպիսկոպոս Հովսեփյանց

**23** Ո՞ր աղբյուրից է մեջբերված հատվածը.

*«Ամենայն Հայոց Հայրապետության Սուրբ Աթոռից պետք է ընտրվի մի արքեպիսկոպոս, որ մտնի Հայոց տուն, իբրև համայն եկեղեցականների փոխանորդ ... »:*

- 1) «Եկեղեցի-պետություն դաշնագիր» փաստաթղթից
- 2) «Որոգայթ Փառաց» աշխատությունից
- 3) «Ազգապատում» աշխատությունից
- 4) «Մտադրությունների հուշագիր» փաստաթղթից

**24** Ո՞ւմ է վերագրվում առավոտյան ժամերգության ժամանակ երգվող հետևյալ շարականը.

*«Սուրբ Աստված, անսկիզբ Հայր, Դու որ փառավորված ես սրբերիդ մեջ, երկնքի հրեշտակների հետ օրհնում ենք Քեզ:*

*Սուրբ Աստված, Միածին Որդի, Դու որ հաղթող պահեցիր սրբերիդ ճգնությունը, երկնքի հրեշտակների հետ գովաբանում ենք Քեզ:*

*Սուրբ Աստված, Ճշմարիտ Հոգի, Դու որ տիեզերքը նորոգեցիր Սուրբ Երրորդությանդ ճշմարիտ երկրպագությամբ, անլռելի ձայնով բարեբանում ենք Քեզ»:*

- 1) Հովհաննես Ա. Մանդակունի
- 2) Մեսրոպ Մաշտոց
- 3) Սահակ Ա. Պարթև
- 4) Պետրոս Ա. Գետադարձ



**Հայոց եկեղեցու տոները համապատասխանեցնել տոնակատարության ժամանակին.**

- 1) Ծաղկազարդ
  - 2) Խաչվերաց կամ Ս. Խաչի տոն
  - 3) Վարագա Սուրբ Խաչի տոն
  - 4) Գյուտ Խաչի տոն
  - 5) Ս. Համբարձման տոն
  - 6) Ս. Սարգսի տոն
  - 7) Կաթուղիկե Ս. Էջմիածնի տոն
  - 8) Քրիստոսի Պայծառակերպության տոն
- ա) Հոկտեմբերի 23-29 ընկած կիրակի օրը
  - բ) Սեպտեմբերի 14-ի մերձակա կիրակի օրը
  - գ) Հունվարի վերջին կամ փետրվարի սկիզբն ընկած ժամանակահատվածում
  - դ) Ս. Հարության տոնին հաջորդող 65-րդ օրը
  - ե) Ս. Հարության տոնին հաջորդող 40-րդ օրը
  - զ) Հունիսի 28-ից օգոստոսի 1-ն ընկած ժամանակահատվածում
  - է) Սեպտեմբերի 28-ի մերձակա կիրակի օրը
  - ը) Ս. Հարության տոնին նախորդող կիրակի օրը
  - թ) Օգոստոսի 15-ի մոտակա կիրակի օրը
- 1) 1-ը, 2-բ, 3-է, 4-ա, 5-ե, 6-գ, 7-դ, 8-զ
  - 2) 1-ը, 2-դ, 3-է, 4-բ, 5-ե, 6-գ, 7-զ, 8-ա
  - 3) 1-բ, 2-ը, 3-ա, 4-է, 5-դ, 6-գ, 7-ե, 8-թ
  - 4) 1-գ, 2-բ, 3-է, 4-թ, 5-ե, 6-դ, 7-զ, 8-ը

**Կաթողիկոսի պատվանունը համապատասխանեցնել անվանը.**

- |                         |                          |
|-------------------------|--------------------------|
| 1) Ներսես Ե. Աշտարակեցի | ա. Պաշտպան հայրենյաց     |
| 2) Վազգեն Ա. Պալճյան    | բ. Հոգևոր Սուր           |
| 3) Մկրտիչ Ա. Խրիմյան    | գ. Մեծ                   |
| 4) Ներսես Ա. Պարթև      | դ. Շնորհալի              |
| 5) Ներսես Դ. Կլայեցի    | ե. Հայրենասեր            |
| 6) Արիստակես Ա. Պարթև   | զ. Շինարար               |
| 7) Գևորգ Զ. Չորեքյան    | է. Բարեպաշտ<br>ը. Հայրիկ |
- 1) 1-ա, 2-գ, 3-ը, 4-զ, 5-դ, 6-բ, 7-ե
  - 2) 1-ե, 2-է, 3-ա, 4-ը, 5-զ, 6-բ, 7-գ
  - 3) 1-ա, 2-բ, 3-ը, 4-զ, 5-է, 6-գ, 7-ե
  - 4) 1-ե, 2-ը, 3-ա, 4-բ, 5-դ, 6-զ, 7-է

Թվարկվածներից որո՞նք Արևելյան Ուղղափառ եկեղեցիներից չեն.

- ա) Ղպտի Ուղղափառ եկեղեցի
- բ) Հույն Ուղղափառ եկեղեցի
- գ) Ասորի Ուղղափառ եկեղեցի
- դ) Եթովպական Ուղղափառ եկեղեցի
- ե) Մակեդոնական Ուղղափառ եկեղեցի
- զ) Հնդկաստանի Ս. Թովմայի Մալանկարա Ուղղափառ եկեղեցի
- է) Բուլղարական Ուղղափառ եկեղեցի
- ը) Ռուս Ուղղափառ եկեղեցի

- 1) ա, դ, ե, է
- 2) բ, ե, է, ը
- 3) ա, բ, դ, ը
- 4) գ, ե, զ, է

Թվարկվածներից որո՞նք ընդգրկված չեն Տաս պատվիրանների մեջ.

- ա) «Ես եմ քո Տեր Աստվածը ... Ինձանից բացի այլ աստվածներ չպիտի լինեն քեզ համար»
- բ) «Հավատքի մեջ երբեք չթուլանա՛ս»
- գ) «Կուռքեր չունենա՛ս»
- դ) «Քո Տեր Աստծո անունը զուր տեղը չպիտի արտասանես»
- ե) «Քո մերձավորի ունեցածի վրա աչք մի՛ ունեցիր»
- զ) «Մի՛ ստիր»
- է) «Միրեցե՛ք միմյանց»
- ը) «Մի՛ ծուլացիր»

- 1) գ, զ, է
- 2) բ, է, ը
- 3) բ, դ, է
- 4) ա, է, ը

Հայոց կաթողիկոսների վերաբերյալ ստորև բերված պնդումներից որո՞նք են ճիշտ.

- ա) Աբրահամ Գ Կրետացի կաթողիկոսը Նադիր շահի թագադրության արարողության ժամանակ նրա մեջքին է կապել շահական իշխանության խորհրդանիշ սուրբ:
- բ) Ներսես Ե. Աշտարակեցի կաթողիկոսը ռուսական Սինոդին գրավոր ներկայացրել է Հայոց եկեղեցու դավանանքը՝ չմերժելով քննարկել հայ-ռուսական եկեղեցիների հնարավոր միության հարցը:
- գ) Միմեոն Ա. Երևանցի կաթողիկոսը 1780 թ. Մայր Աթոռում հրավիրել է գաղտնի խորհրդաժողով, որը դիմել է Եկատիրինա II կայսրուհուն՝ խնդրելով նրա հովանավորությունը:
- դ) Անանիա Ա. Մոկացի կաթողիկոսը Սյունյաց իշխանների և հոգևորականության խնդրանքով վերականգնել է Սյունիքի մետրոպոլիտությունը և Ջևանշիր իշխանի որդուն ձեռնադրել Սյունյաց եպիսկոպոս:
- ե) Ղուկաս Ա. Կարնեցի կաթողիկոսի մահից հետո կաթողիկոս է ընտրվել Միմեոն Ա. Երևանցին:
- զ) Եփրեմ Ա. Չորագեղցի կաթողիկոսը դիմել է ռուսական կառավարությանը՝ Գանձասարի կաթողիկոսական աթոռը լուծարելու խնդրանքով:
- է) Մատթեոս Ա. Կոստանդնուպոլսեցի կաթողիկոսի ջանքերով վերականգնվել են կանոնավոր հարաբերությունները Մայր Աթոռի և Կ.Պոլսի Հայոց պատրիարքության հետ, որի արդյունքում Կ.Պոլսի նորընտիր պատրիարք Չուխաճյանի հրահանգով արևմտահայ բոլոր եկեղեցիներում սկսել են հիշատակել Ամենայն հայոց հայրապետի անունը:
- ը) Նահապետ Ա. Եդեսացի կաթողիկոսի օրոք կառուցվել են Վաղարշապատի Ս. Շողակաթ, Երևանի Կոնդի և Քանաքեռի եկեղեցիները:

- 1) ա, դ, գ, ը
- 2) ա, բ, գ, դ
- 3) գ, դ, ե, է
- 4) բ, ե, գ, է

**Ստորև տրված պնդումներից որո՞նք են սխալ.**

- ա) Դելփյան տաճարի առաստաղին գրված է. «Ճանաչիր ինքդ քեզ և կճանաչես քո նկարագիրն ու կհասկանաս քո էությունը»:
- բ) Հայոց հեթանոսական դիցարանի գերագույն աստծո՝ Արամազդի տաճարը գտնվում էր Եկեղյաց գավառի Երիզա ավանում:
- գ) Ըստ սրբոց Ոսկյանք վկաների ավանդության Հռոմի կասեր կողմից որպես պատգամավորներ Հայաստան ուղարկված 5 արքայազուն իշխանները ճանապարհին հանդիպել են Թադեոս առաքյալին և քրիստոնեություն ընդունել:
- դ) Մուհամմադի մահվանից հետո նրա հետևորդները նրա քարոզները հավաքեցին մի ժողովածուի մեջ, որը հետագայում կոչվեց «Թալմուդ»:
- ե) Երեմիա մարգարեն հրեաներին խորհուրդ է տալիս Բաբելոնի դեմ մղվող պայքարում դաշնակցել հայերի հետ:
- զ) Աբգար դպիր Թոխատեցին Հայոց կաթողիկոսի հանձնարարությամբ բանակցություններ է վարել Վենետիկի Հանրապետության ղեկավարության և Հռոմի պապի հետ:
- է) Շիաների դավանանքը ձևավորվել է XII-XIII դարերում, այդ ուղությունը Իրանի Իսլամական Հանրապետության պետական կրոնն է:

- 1) դ, գ, է
- 2) գ, է, է
- 3) ա, բ, դ
- 4) բ, գ, գ

31

1114 թ. հաստատված Հայոց կաթողիկոսի ընտրության նոր կարգի համաձայն ո՞ր եկեղեցական աթոռների համաձայնությամբ պետք է կատարվեր կաթողիկոսի ընտրությունը.

- ա) Հաղպատ
- բ) Տաթև
- գ) Սանահին
- դ) Արտազ
- ե) Աղթամար
- զ) Գանձասար
- է) Բջնի

- 1) գ, դ, ե, է
- 2) դ, ե, գ, է
- 3) ա, բ, դ, է
- 4) բ, գ, ե, գ

32

Հայոց եկեղեցու խորհուրդների վերաբերյալ բերված պնդումներից որո՞նք են ճիշտ.

- ա) Մկրտվող անձը պետք է ունենա կնքահայր, ում մկրտված լինելը պարտադիր է:
- բ) Կարգ հիվանդացը այն խորհուրդն է, որով հոգևորականը հատուկ աղոթք է կարդում հիվանդի համար:
- գ) Ձեռնադրության խորհուրդը միշտ կատարվում է պատարագի ընթացքում:
- դ) Դրոշմի խորհուրդը կատարվում է օրհնված ջրով:
- ե) Մկրտության խորհուրդը միայն մեկ անգամ է կատարվում, իսկ Դրոշմի խորհուրդը կարող է կրկնվել:
- զ) Ապաշխարության խորհուրդը պատարագի արարողության առանցքն է:
- է) Նորապսակների միևնույն բաժակից գինի խմելը նշանակում է, որ նրանք բոլոր իրավիճակներում պիտի անբաժան լինեն:
- ը) Ապաշխարության խորհրդով թողություն է տրվում այն մեղքերին, որոնք մարդը գործել է ծննդյան օրվանից ի վեր:

- 1) գ, դ, ե, է
- 2) բ, գ, է, ը
- 3) ա, ե, գ, ը
- 4) ա, բ, գ, է

Ստորև թվարկված պատմական իրադարձությունների պատճառներից կամ հետևանքներից որո՞նք են ճիշտ.

- ա) Ռուս - պարսկական պատերազմից հետո գեներալ Ի. Պասկևիչը հալածանքներ սկսեց Ներսես Ե. Աշտարակեցի կաթողիկոսի դեմ և ամեն ինչ արեց նրան ասպարեզից հեռացնելու համար, դրա պատճառով Հովհաննես Ը. Կարբեցի կաթողիկոսը նրան արքային Պետերբուրգ:
- բ) 1801 թ. Թիֆլիսում նորընտիր կաթողիկոսի հանկարծամահ լինելու հետևանքով, կաթողիկոսական աթոռը դարձավ պայքարի առարկա:
- գ) Բոլոր բնագավառներում տիրապետող անորոշության հետևանքով Ք.Ճ.Ա VI-V դարերում ծնունդ առավ մի նոր աստծու գաղափար, որին անվանեցին Անձանոթ Աստված:
- դ) 226 թ. Պարսկաստանում տեղի ունեցած Սասանյան հեղաշրջման հետևանքով Պարսկաստանի նախկին դաշնակից Հայաստանը դարձավ նրա գլխավոր հակառակորդներից մեկը:
- ե) 1906 թ. ազգային-եկեղեցական ժողովում հնչած հակացարական ելույթների պատճառով ոստիկանությունը ցրեց այն:
- զ) Եվրոպական պետությունների նենգ ու խարդախ քաղաքականության հետևանքով 1820-1830-ական թթ. հայ հոգևոր եկեղեցական կյանքում տեղի ունեցան իրադարձություններ, որոնք թուլացրեցին Հայոց եկեղեցին և հարված հասցրեցին նրա հեղինակությանն ու ազդեցությանը:
- է) Կրոնական-քաղաքական բաժանումների և անհամաձայնությունների հետևանքով Հռոմկլեայի Հայոց կաթողիկոսությանը չհաջողվեց վերականգնել իր իրավունքները և 1254 թ. տեղափոխվեց Օռվթ:
- ը) XX դարի 80-ական թթ. վերջին և 90-ական թվականներին Հայաստանի Հանրապետություն մուտք գործած տարաբնույթ կրոնական հոսանքներից մի քանիսին, Հայաստանի սոցիալ տնտեսական և բարոյահոգեբանական ծանր վիճակով պայմանավորված, հաջողվեց հայ հասարակության մեջ ձեռքբերել հետևորդներ և ձևավորել համայնքներ:

- 1) ա, գ, զ, է
- 2) բ, դ, զ, ը
- 3) ա, բ, դ, է
- 4) դ, է, է, ը

Թվարկվածներից որո՞նք պատմական իրադարձությունների իրական պատճառ կամ հետևանք չեն.

- ա) Կրթական գործին զգալի հարված հասցրեց Ալեքսանդր III-ի հրամանը, որով ծխական դպրոցները պետք է ենթարկվեին ուսումնական վարչությանը:
- բ) Կաթուղիկ եկեղեցու առաջնորդ Անտոն Հասունյանը աթոռը տեղափոխեց Լիբանան, որն առաջացրեց թուրքական կառավարության դժգոհությունը:
- գ) Նկատի ունենալով Իկոնիայի սուլթանությունից, եգիպտական մամլուքներից և խաչակիրներից եկող վտանգները՝ Հեթում 1-ինը կաթողիկոսական աթոռը տեղափոխեց Սիս:
- դ) Մփյուռքահայերի խնդրանքը հաշվի առնելով 1938 թ. ՀԿ(Բ)Կ կենտկոմը հրաժարվեց Ս. Էջմիածինը փակելու մտադրությունից:
- ե) Դառնալով կաթողիկոս Մկրտիչ Ա. Խրիմյանը վճռական քայլեր ձեռնարկեց արևմտահայության ծանր վիճակը մեղմելու ուղղությամբ:
- զ) XIV-XV դդ. ռազմաքաղաքական ծանր վիճակի պատճառով խաչքարային արվեստն անկում ապրեց:
- է) Արիոս երեցի սխալ քարոզների պատճառով IV դարում խախտվեց եկեղեցու խաղաղությունը:

- 1) ա, գ, է
- 2) ա, գ, է
- 3) բ, գ, դ
- 4) բ, դ, է

**Թվարկվածներից որո՞նք են պատմական իրադարձությունների իրական պատճառ կամ հետևանք.**

- ա) 1071 թ. Մանազկերտի ճակատամարտից հետո, ազատվելով բյուզանդական գերիշխանությունից, մի քանի հայ իշխանական տներ փորձեցին ստեղծել քաղաքական նոր կենտրոններ:
- բ) Կաթոլիկ եկեղեցու կողմից XVI դարում ինը աստիճանների հարցի բարձրացումը պատրվակ հանդիսացավ Հայոց եկեղեցու անկախության նկատմամբ ոտնձգություններ կատարելու համար:
- գ) 1090 թ. Բարսեղ Ա. կաթողիկոսի և Մելիք Ա. Շահի հանդիպման արդյունքում որոշվեց, որ Հոնիի կաթողիկոսությունը պետք է դադարեցնի իր գործունեությունը:
- դ) 608 թ. անջատման հետևանքով վրաց եկեղեցին բաժանվեց Արևելյան եկեղեցական ընտանիքից և ընդունեց Կ. Պոլսի տիեզերական պատրիարքի առաջնայնությունը, հունական եկեղեցու ծեսերն ու արարողությունները:
- ե) Աղվանից Աբաս կաթողիկոսը սահմանեց կարգ, որով իր հաջորդները պետք է ձեռնադրվեին Ամենայն Հայոց կաթողիկոսի կողմից:
- զ) Ս. Էջմիածնում Հակոբ Դ. Ջուղայեցի կաթողիկոսի գլխավորությամբ հրավիրված ժողովը, Հայաստանն ազատագրելու նպատակով, որոշում ընդունեց օգնության խնդրանքով դիմել Եկատիրինա I կայսրուհուն:
- է) Հռոմի պապի, Վենետիկի հանրապետության և գերմանական կայսեր հետ Ստեփանոս Ե. Սալմաստեցի կաթողիկոսի բանանակցությունները ոչ մի էական արդյունք չտվեցին, քանի որ Եվրոպական տիրակալները հայերի հետ բանակցությունների հիմքում դնում էին կաթոլիկ եկեղեցուն հնազանդվելու անհրաժեշտությունը:

- 1) բ, դ, գ, է
- 2) ա, գ, դ, գ
- 3) ա, դ, է, է
- 4) բ, գ, է, գ



Թվարկվածներից որո՞նք են պատմական իրադարձությունների իրական պատճառ կամ հետևանք.

- ա) Անսալով Մակար Ա. Թեղուտեցի կաթողիկոսի դիմում-բողոքներին ցարական կառավարությունը 1897 թ. հրաժարվեց հայկական ծխական դպրոցները լուսավորության նախարարության տնօրինության ներքո դնելու որոշումից:
- բ) Հայերի բարոյական կորուվը բարձրացնելու նպատակով 1897 թ. 300 հայ վրիժառուներ կազմակերպեցին պատժիչ գործողություն, որը հայտնի է Խանասորի արշավանք անունով:
- գ) Հույների ոտնձգությունների պատճառով Երուսաղեմի հայոց պատրիարքությունը XIX դարի 30-ական թթ. դիմեց Հռոմի պապի օգնությանը:
- դ) 1922 թ. կազմված ժամանակավոր «դաշնագրի» արդյունքում կարգավորվեցին Մայր Աթոռի և խորհրային իշխանությունների հարաբերությունները:
- ե) Մուհամմադի հեղինակության բարձրացման պատճառով Յասրիբը վերանվանեցին «Մարգարեի քաղաք»:
- զ) Մայր Աթոռի բողոքների հիման վրա 1905 թ. ցարական կառավարությունը հրապարակեց հատուկ շրջաբերական, որով կաթոլիկ միսիոներները քարոզելու իրավունք էին ստանում Ալեքսանդրապոլում և հարակից գյուղերում:
- է) Համաձայնություն ձեռք բերելով Հայաստանի Գերագույն խորհրդի նախագահ Մացակ Պապյանի հետ, Գևորգ արքեպիսկոպը 1941 թ. հրավիրեց Ազգային-եկեղեցական ժողով:

- 1) գ, դ, ե
- 2) ա, բ, գ
- 3) դ, գ, է
- 4) բ, ե, է

37

**Իրադարձությունները դասավորել ժամանակագրական հաջորդականությամբ.**

- ա) Հավատացյալների կրոնական կյանքի ճիշտ կազմակերպման և կրոնական կենցաղին վերաբերող 24 կանոնների ընդունումը Սսի ժողովում
  - բ) Աղթամարի հակաթոռ կաթողիկոսության ստեղծումը
  - գ) Պավլիկյանների դեմ հատուկ կանոնի ընդունումը Դվինի եկեղեցական ժողովում
  - դ) Կաթողիկոսական աթոռի տեղափոխումը Աղթամար
  - ե) «Կառավարիչ Ս. ժողովի» կամ Սինոդի հրավիրումը
  - զ) Ս. Հռիփսիմյանց կույսերին նվիրված եկեղեցու կառուցումը Անիում
  - է) Հայկական թեմերի հիմնումն Անտիոքում և Կիլիկիայում
  - ը) Պահլավունիների տոհմի կաթողիկոսական իշխանության ավարտը
  - թ) Մայր Աթոռ Ս. Էջմիածնի պաշտոնական պարբերական «Արարատ» հանդեսի հիմնադրումը
- 1) գ, դ, է, զ, բ, ը, ա, ե, թ
  - 2) գ, բ, դ, զ, է, թ, ա, ե, ը
  - 3) դ, գ, զ, բ, թ, է, ա, ը, ե
  - 4) բ, գ, զ, դ, է, թ, ե, ը, ա

38

**Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել յոթերորդը.**

- ա) Հակոբ Դ. Ջուղայեցու գլխավորությամբ հայկական պատվիրակության ժամանումը Կ. Պոլիս
  - բ) Ջաքարիա Գ. կաթողիկոսի բանակցությունները թուրքմեն Ջահան շահի հետ
  - գ) «Տերանց Հայոց» գաղտնի խորհրդածողովի հրավիրումը Ս. Էջմիածնում
  - դ) Միքայել Սեբաստացու գլխավորությամբ գաղտնի խորհրդածողովի հրավիրումը Սեբաստիայի Մայր եկեղեցում
  - ե) Ստեփանոս Դ. Տղա կաթողիկոսի ձեռամբ Սմբատ Արծրունու օծումը Հայոց թագավոր
  - զ) Հակոբ Մեղապարտի կողմից «Ուրբաթագիրքի» հրատարակումը Վենետիկում
  - է) «Օրացույց» և «Սաղմոսարան» գրքերի հրատարակումը Վենետիկում
  - ը) Մովսես Գ. Տաթևացու ընտրվելը Ամենայն Հայոց կաթողիկոս
  - թ) Պարսից շահ Աբաս 1-ի կողմից շուրջ 400 հազար արևելահայերի բռնագաղթը Պարսկաստան
- 1) թ
  - 2) ը
  - 3) է
  - 4) դ

39

**Իրադարձությունները դասավորել ժամանակագրական հաջորդականությամբ.**

- ա) Հալեպում հայ կաթողիկե եկեղեցու պաշտոնապետ հռչակումը որպես կառույց և եկեղեցական առանձին նվիրապետություն
- բ) Տպարանի և թղթի գործարանի հիմնադրումը Էջմիածնում
- գ) Հայկական եկեղեցական հողերի և գույքի բռնագրավման օրենքի հաստատումը Նիկոլայ II ցարի կողմից
- դ) Ղարաբաղի մետրոպոլիտության ստեղծումը
- ե) Կ.Պոլսում, կաթոլիկ հայերի կողմից, հայոց պատրիարքարանից անջատ ինքնուրույն վարչության ստեղծումը
- զ) Գևորգյան ճեմարանի հիմնումը
- է) Սյունյաց մետրոպոլիտության լուծարումը
- ը) Տոնուզի Ս.Կարապետ վանքի փոխվանահայր Բարդուղիմեոս վարդապետի սրի տակով թուրքական կայագործի գերի ընկած շուրջ 700 զինվորների խոնարհված անցնելը
- թ) Բռնություններին վերջ տալու նպատակով Կ.Պոլսի Հայոց պատրիարքարանի կողմից բողոքագրի ներկայացումը Թուրքիայի արդարադատության նախարարությանը

- 1) գ, ա, է, գ, բ, դ, ը, է, թ
- 2) բ, ա, գ, դ, գ, է, ը, թ, է
- 3) ա, բ, դ, է, է, գ, ը, գ, թ
- 4) բ, դ, ա, գ, ը, է, թ, է, գ

40

**Հայոց կաթողիկոսների անունները դասավորել ըստ նրանց գահակալության ժամանակագրական հաջորդականության.**

- ա) Բարսեղ Ա. Անեցի
- բ) Կոմիտաս Ա. Ադցեցի
- գ) Մաշտոց Ա. Եղիվարդեցի
- դ) Գևորգ Բ. Գառնեցի
- ե) Զաքարիա Ա. Չազեցի
- զ) Ներսես Բ. Բագրևանդցի
- է) Սարգիս Ա. Սևանցի
- ը) Ներսես Գ. Տայեցի
- թ) Հովհաննես Ե. Դրասխանակերտցի

- 1) գ, գ, ը, դ, բ, է, է, ա, թ
- 2) գ, բ, գ, ա, թ, ը, է, դ, է
- 3) գ, բ, ը, է, դ, գ, թ, է, ա
- 4) բ, ը, թ, է, գ, գ, ա, է, դ

41

**Ընտրել տերմինների և հասկացությունների ճիշտ բացատրությունը.**

- 1) Հայոց եկեղեցում կուսակրոնություն ընդունած արքեպիսկոպոսին անվանում են աբեղա:
- 2) Քրիստոնեական եկեղեցու երկրորդ մեծ բաժանումից հետո Բյուզանդական եկեղեցին և նրա կողմնակիցներն իրենց անվանեցին Օրթոդոքս:
- 3) Օրթոդոքս եկեղեցիներից յուրաքանչյուրն ունի իր հոգևոր առաջնորդը, ով կրում է պատրիարք, արքեպիսկոպոս կամ մետրոպոլիտ տիտղոսը:
- 4) Կաթոլիկ եկեղեցու բարձրաստիճան հոգևորականները կոչվում են կարդինալներ:
- 5) 1054 թ. բաժանումից հետո Հռոմեական լատին եկեղեցին կոչվեց Բողոքական եկեղեցի:
- 6) Եպիսկոպոս բառացի նշանակում է վերատեսուչ, նա իրավունք ունի ձեռնադրել քահանաներ, դպիրներ, կատարել բոլոր խորհուրդները:
- 7) Օրթոդոքս եկեղեցու հայտնի ուղղություններից են լյութերական, կալվինական, ավետարանական, մկրտչական եկեղեցիները:

42

**Ընտրել տերմինների և հասկացությունների ճիշտ բացատրությունը.**

- 1) Հայոց եկեղեցում քահանայությունից ցածր կան վեց աստիճաններ՝ սարկավազ, դպիր և այլն:
- 2) Նորակառույց կամ վերանորոգված եկեղեցու օծման հանդիսավոր արարողությունը կոչվում է հիմնօրհներ:
- 3) Այն սրբախոսությունը, որի մեջ քրիստոնյան, խոստովանելով ու վկայելով իր հավատը, նահատակվում է հակառակորդների կամ թշնամիների կողմից, կոչվում է վարք:
- 4) Մոփեստները շրջիկ փիլիսոփաներ էին, ովքեր գտնում էին, որ արդարությունը և բարոյական բոլոր հասկացությունները անհատական և հարաբերական են:
- 5) Մկրտության խորհրդի ժամանակ օգտագործվող կարմիր և սպիտակ թելերի հյուսվածքը կոչվում է նարոտ:
- 6) Նիհիլիզմի ուսմունքի համաձայն այն, ինչն օգտակար է մարդուն անձնապես բարի և արդար է, իսկ ինչը վնասակար է՝ չար է և անարդար:
- 7) Եկեղեցում, Խորանի աջ կողմում գտնվում է Պատարագի Սուրբ սեղանը:

43

**Թվարկվածներից որո՞նք Հայոց եկեղեցու յոթ առաքինություններից չեն.**

- 1) հեզություն
- 2) աշխատասիրություն
- 3) հավատարմություն
- 4) ժուժկալություն
- 5) ապաշխարություն
- 6) բղջախոհություն
- 7) ողորմածություն

44

**Ընտրել տերմինների և հասկացությունների ճիշտ բացատրությունները.**

- 1) Հին հռոմեացիների կարծիքով յուրաքանչյուր հռոմեացի ուներ իր անձնական հովանավոր ոգին, որը կոչվում էր գենիուս:
- 2) Հեթանոս հայերի կարծիքով աշխարհը բաղկացած էր երկու մասից՝ Երկիր և Երկինք:
- 3) Վան քաղաքի միջնաբերդում գտնվող «Միերի դուռ» կոչվող ժայռի վրա Իշպուինի արքան փորագրել տվեց իր տերության բոլոր աստվածների անունները:
- 4) Պարսիկների՝ աշխարհի ստեղծման մասին տեղեկությունները պահպանվել են պարսկական գրական վաղ ստեղծագործություններում՝ «Վեդաներում»:
- 5) Բրահմա անունը նշանակում է «պայծառատես, ճշմարտությունը գտած»:
- 6) Ըստ պարսիկների՝ Ահրումազդան պատկերացվել է կայծակի տեսքով, որը «ուժեղ և սաստիկ ոգու» հայրն էր:
- 7) «Քրիստոսի անձեռակերտ դիմանկարը» հայտնի է «Տիրոջ դաստառակ», «Փրկչի կենդանագիր պատկեր» և այլ անուններով:

**Թվարկվածներից որո՞նք հայ զինվորականության պատվո վարքականոնի գլխավոր 8 դրույթ-պահանջներից չեն.**

- 1) Հավատարմություն և անձնուրաց ծառայություն Հայաստանի բոլոր բնակիչներին՝ անկախ նրանց սոցիալական ծագումից և դիրքից:
- 2) Նվիրվածություն և հավատարմություն իրենց բնակավայրի քահանաներին և եկեղեցու սպասավորներին:
- 3) Նվիրվածություն ընտանիքին
- 4) Ներողամտություն հակառակորդի նկատմամբ
- 5) Հավատարմություն և անձնուրաց ծառայություն քրիստոնեական բոլոր եկեղեցիներին
- 6) Քրիստոնեական հավատի և ազգային եկեղեցու նկատմամբ բարեպաշտ վերաբերմունք և դրանց անձնուրաց պաշտպանություն
- 7) Հավատարմություն զինակիցներին

**Ստորև բերված պնդումներից որո՞նք են սխալ.**

- 1) 1918 թ. Գարեգին եպիսկոպոս Հովսեփյանի ներկայացմամբ Հայոց կաթողիկոսը հաստատեց հրահանգ, որով Հայաստանի առաջին Հանրապետության բանակում պետք է առաջնորդվեին զինվորական քահանաները:
- 2) 1441 թ. Աղթամարում գահակալող Զաքարիա Գ. կաթողիկոսը մեծ աջակցություն ցուցաբերեց կաթողիկոսական աթոռը Սսից Էջմիածին տեղափոխելու գործին:
- 3) Լազարյան ճեմարանի շրջանավարտների ջանքերով, Հայոց եկեղեցու հետևորդներին և կաթոլիկ հայերին միավորելու նպատակով, Կ.Պոլսում ստեղծվեց «Համազգյաց» ընկերությունը:
- 4) Մաշտոց Ա. Եղիվարդեցու կողմից Սմբատ I-ի թագադրությունից հետո Աբաս սպարապետը, հասկանալով իր քայլի կորստաբեր լինելը, գնաց կաթողիկոսի մոտ, զղջաց և մեղքերի թողություն խնդրեց:
- 5) Ս. Վարդան Մամիկոնյանը Ս. Սահակ Պարթև կաթողիկոսի թոռն էր:
- 6) Գևորգ Ե. կաթողիկոսը հայկական բարենորոգումների հարցը մեծ տերություններին ներկայացնելը հատուկ կոնդակով լիազորեց Լևոն Շանթին:
- 7) 1850 թ. թուրքական կառավարությունը հատուկ հրամանագրով ճանաչեց բողոքական եկեղեցին՝ որպես հայոց եկեղեցուց անջատ կրոնական համայնք:

**Հայոց կաթողիկոսների վերաբերյալ ստորև բերված պնդումներից որո՞նք են սխալ.**

- 1) Գանձասարի վանքի մասին առաջին տեղեկությունը հայտնել է Անանիա Ա. Մոկացի կաթողիկոսը:
- 2) Սարգիս Ա. Սևանցի կաթողիկոսը հիմնել է Բջնիի և Ամբերդի եպիսկոպոսությունները:
- 3) Գրիգոր Գ. Պահլավունի կաթողիկոսը խաչակիրներից գնել է Եփրատի ափին գտնվող Հռոմկլեա ամրոցը և կաթողիկոսական աթոռը տեղափոխել այնտեղ:
- 4) Հակոբ Բ. Անավարզեցի կաթողիկոսը միարարներին արգելել է լատինական ծեսով պատարագ, մկրտություն կատարել և հայերին հռոմեադավան դարձնել:
- 5) Նիկոլայ I ցարի հրավերով Ներսես Ե. Աշտարակեցի կաթողիկոսը մեկնել է Մանկո Պետերբուրգ, որտեղ ցարի կողմից արժանացել է շքեղ ընդունելության և պարգևատրվել ռուսական բարձրագույն շքանշանով:
- 6) Ձիրավի ճակատամարտի ողջ ընթացքում, Նպատ լեռան գագաթին, Հայոց կաթողիկոս Հովհաննես Ա. Մանդակունին ձեռքերը վեր բարձրացրած, անդադար աղոթում էր՝ խնդրելով Աստծո աջակցությունը:
- 7) Քրիստոնեական եկեղեցու սրբերի և նահատակների կյանքն ու գործը ներկայացնող ժողովածուներ և գրքեր թարգմանելու համար Գրիգոր Բ. կաթողիկոսն արժանացել է Վկայասեր անվանը:

**Ստորև բերված պնդումներից որո՞նք տեղ չեն գտել Գևորգ Ե. Սուրենյանց կաթողիկոսի՝ Ի. Վորոնցով-Պաշկովին գրած նամակում.**

- 1) Ամենայն Հայոց կաթողիկոսը մարզի կառավարչի հետ համատեղ պետք է մասնակցեր մարզի կառավարման գործերին:
- 2) Անատոլիայի հայկական գավառներից պետք է կազմվեր մեկ անբաժանելի մարզ:
- 3) Մարզի կառավարիչը պետք է ընտրվեր Թուրքիայի և Ռուսաստանի կողմից:
- 4) Բարենորոգման ամբողջ վերահսկողությունը պետք է վերապահվեր բացառապես Ռուսաստանին:
- 5) Մարզում հոգևոր բոլոր արարողությունների ժամանակ պետք է հիշատակվեր ցարի անունը:
- 6) Մարզը ներքին և արտաքին վտանգներին դիմակայելու համար պետք է ունենար առավելագույնը 10.000 հոգանոց բանակ:
- 7) Մարզում պետք է մտցվեր լայն ինքնակառավարում, ընտրական սկզբունքների հիման վրա քրիստոնյաներից և մուսուլմաններից հավասար թվով ներկայացուցիչներով:

49

**Ստորև բերված պնդումներից որո՞նք են ճիշտ.**

- 1) Հին Կտակարանը բաղկացած է 48 գրքերից, որոնցից առաջին չորս գրքերը կոչվում են Ավետարաններ:
- 2) Անբարոյական կնոջը քարկոծել ցանկացող մարդկանց Հիսուս Քրիստոսն ասաց. «Ձեր միջից խոնարհը նախ թող առաջինը քար գցի նրա վրա»:
- 3) Նոր Կտակարանում գրված է, որ Հիսուս Քրիստոսը Հովհաննես, Հակոբոս և Պետրոս առաքյալների հետ բարձրացավ Ձիթենյաց լեռը, որտեղ աղոթքի ժամանակ Նրա դեմքը սկսեց փայլել արեգակի նման, իսկ զգեստները սպիտակեցին լույսի պես:
- 4) Գաբրիել հրեշտակը Չաքարիային պատվիրեց մանկանն անվանել Հովհաննես, որ նշանակում է «Աստծո շնորհ»:
- 5) Թադեոս առաքյալն Ավետարանում հիշատակվում է նաև Ղերեոս անունով:
- 6) Ջինվորները ստիպեցին Սիմեոն Կյուրենացուն, որ Հիսուսին օգնելու համար բարձրացնի նրա խաչափայտը:
- 7) Երբ լրացավ Հիսուսի 33 տարին, նա գնաց Հովհաննեսի մոտ և խնդրեց իրեն ևս մկրտել:

50

**Թվարկվածներից որո՞նք Ք. ա. I դարում Հռոմեական կայսրությունում քրիստոնեության տարածման իրական պատճառ կամ հետևանք չեն.**

- 1) Քրիստոնեությունը ոչ միայն հավատ էր նվիրում, այլ նաև՝ ապրելաձև և հասարակության մեջ ամրապնդում էր բարոյական կյանքի հանդեպ զգացումը:
- 2) Մարդկանց գիտակցության մեջ հեթանոսական աստվածների և կուռքերի նկատմամբ հավատի աստիճանաբար թուլացումը:
- 3) Հիսուս Քրիստոսի կատարած հրաշքների պատճառով իշխող վերնախավի մեծամասնության քրիստոնյա դառնալու հանգամանքը:
- 4) Նոր կրոնի՝ մարդկանց և ժողովուրդների հավասարություն, ներողամտություն, սեր և այլն քարոզելը:
- 5) Մարդկանց հուսահատությունը, պատիժներից խուսափելու պատճառով անապատներում և անմարդաբնակ վայրերում հոծ բազմություններով հաստատվելը:
- 6) Երկնքում բնակվող աստվածների և քրմերի միջև կապի խախտումը:
- 7) Անձնական հովանավոր ոգիների նկատմամբ հավատի թուլացումն ու բազմաթիվ դեպքերում դրա բացակայությունը:



**Թվարկված պատճառներից որո՞նք են ճիշտ:**

**XIX դարի վերջին և XX դարի սկզբին թուրքական և ռուսական իշխանությունները Հայ Առաքելական Եկեղեցու դեմ հալածանքներ էին սկսել, որովհետև այն դիտարկում էին որպես.**

- 1) Վրաց ուղղափառ երեղեցու հետ սերտորեն համագործակցող կառույց
- 2) հայեցի կրթության և դաստիարակության համազգային կառույց
- 3) զինված խմբավորումներ ստեղծող համազգային կառույց
- 4) հայ մշակույթի պահպանման համազգային կառույց
- 5) ազգային ավանդույթների, կենցաղի և բարքերի պահպանման համազգային կառույց
- 6) Կաթոլիկ եկեղեցու դեմ բողոքական տարբեր շարժումներ հովանավորող կառույց
- 7) թուրքական և ռուսական իշխանությունների միջև հակասություններ սրող կառույց

**Թվարկվածներից որո՞նք են պատմական իրադարձությունների իրական պատճառ կամ հետևանք.**

- 1) Հայոց հոգևոր վերագարթոնքի նպատակով Գարեգին Բ. կաթողիկոսը հռչակեց օրհնության օրեր՝ Տյառընդառաջը որպես նորապսակների օրհնության օր, Սուրբ Սարգիս զորավարի տոնը՝ երիտասարդների օրհնության օր, Ծաղկազարդը՝ մանուկների օրհնության օր և այլն:
- 2) «Գավառահայ հարստահարությունների բողոքագրքի» Ալեքսանդր I ցարին ներկայացնելու հիմնական պատճառը արևմտահայության և արևելահայության ծանր վիճակի մասին ցարին տեղեկացնելն էր:
- 3) Խաչակիրների կողմից Շուղրիի Կարմիր Վանքի գրավման պատճառով Հայրապետական աթոռը տեղախոխվեց Հռոմկլեա:
- 4) «Հայոց եկեղեցու կանոնադրության» Թիֆլիսյան տարբերակը 1830 թ. Պետերբուրգ ուղարկվելուց հետո չհաստատվեց, քանի որ չէր համապատասխանում ո՛չ ցարական բարձրագույն իշխանության ցանկությանը, ո՛չ էլ Հայոց եկեղեցու հնավանդ ծեսերին և կանոններին:
- 5) Կիլիկիայում հայոց թագավորության անկումից հետո կաթոլիկ եկեղեցին էլ ավելի սաստկացրեց հայերի դավանափոխ լինելու և Հռոմի պապի գերագահությունը ընդունելու պարտադրանքները:
- 6) Մկրտիչ Ա. Խրիմյան կաթողիկոսի և Նիկոլայ II կայսեր հանդիպման արդյունքում կաթողիկոսին թույլատրվեց Ռուսաստանի հայաբնակ վայրերում արևմտահայությանն օգնելու նպատակով հանգանակություն կազմակերպել:
- 7) Հայոց եկեղեցին թուլացնելու նպատակով խորհրդային իշխանությունը 1930 թ. օգոստոսի 4-ին ՀԿ(բ)Կ կենտկոմի որոշմամբ փակվեցին Հայոց եկեղեցու բոլոր թեմերը, պետականացրեցին Ս. Էջմիածնի վանքի արժեքները և հանձնեցին ֆինանսների ժողկոմատին:

Ստորև թվարկվածներից որո՞նք նշված վայրում եկեղեցական ժողով հրավիրելու իրական պատճառ չեն հանդիսացել.

- 1) Հայ-բյուզանդական եկեղեցիների մերձեցման հետ կապված, բյուզանդական եկեղեցու պահանջներին պատասխան տալու համար 1178 թ. Հռոմկլեայում հրավիրվեց եկեղեցական ժողով:
- 2) Հռոմկլեայի և Ադանայի ժողովների որոշումները հաստատելու նպատակով 1243 թ. Ստում հրավիրվեց եկեղեցական ժողով:
- 3) Հայ-վրացական եկեղեցիների տարաձայնությունները կարգավորելու նպատակով նպատակով Կոստանդին Գ. կաթողիկոսի նախաձեռնությամբ 1317 թ Ադանա քաղաքում հրավիրվեց եկեղեցական ժողով:
- 4) Նախնիների հաստատած եկեղեցական կարգերը նորոգելու և որոշ բարեփոխումներ իրականացնելու նպատակով 354 թ. Աշտիշատում հրավիրվեց եկեղեցական ժողով:
- 5) Քաղկեդոնի ժողովի որոշումները մերժելու նպատակով Բաբկեն Ա. կաթողիկոսի նախաձեռնությամբ 719 թ. Դվինում հրավիրվեց եկեղեցական ժողով:
- 6) Հայոց Եկեղեցին ծանր վիճակից դուրս բերելու և եկեղեցական կյանքը կանոնավորելու նպատակով 1066 թ. Գագիկ Կարսեցու նախաձեռնությամբ Ծամնդավում հրավիրվեց ժողով:
- 7) Ներսես Ե. Աշտարակեցու մահից հետո Էջմիածնում հրավիրված ազգային եկեղեցական ժողովը Կ.Պոլսի պատրիարքության հետ հարաբերությունները ամրապնդելու նպատակով որոշեց կաթողիկոս ընտրել արևմտահայ եպիսկոպոսներից որևէ մեկին:

54

**Թվարկված իրադարձություններից ո՞ր երկուսն են խախտում տրված շարքի ժամանակագրական հաջորդականությունը.**

- 1) Վերահաստատվեց Հայոց եկեղեցու Արցախի թեմը:
- 2) Հռոմի պապի որոշումով կազմավորվեց Հայաստանի, Վրաստանի և Արևելյան Եվրոպայի թեմը, որի առաջնորդարանը գտնվում է Գյումրիում:
- 3) Վազգեն կաթողիկոսն արժանացավ Հայաստանի ազգային հերոսի բարձրագույն կոչման ու «Հայրենիք» շքանշանին:
- 4) Մեծ Բրիտանիայում Հայոց եկեղեցուն դավանակից Արևելյան Ուղղափառ եկեղեցիները դիմեցին Ամենայն Հայոց կաթողիկոսին՝ էկումենիկ հարցերի հետ կապված հանդես գալ միասնական տեսակետով:
- 5) Ամենայն Հայոց կաթողիկոսի ձեռամբ օծվեց Մեծի Տանն Կիլիկիո նորընտիր կաթողիկոս Արամ Ա-ն:
- 6) «Այց առաջին քրիստոնյա երկիր» կարգախոսով Հայաստանում ուխտավորաբար հյուրընկալվեց Հռոմի պապը:
- 7) Մխիթարյան միաբանության Վենետիկի և Վիեննայի երկու հաստատությունները միավորվեցին և ստեղծեցին Մխիթարյան միացյալ միաբանություն:
- 8) ՀՀ Ազգային ժողովի կողմից ընդունվեց Եկեղեցի-Պետություն հարաբերությունները կարգավորող օրենքը:

55

**Ստորև թվարկված տոներից ո՞ր երկուսն են խախտում տարվա ընթացքում նրանց տոնման ճիշտ հաջորդականությունը:**

- 1) Սուրբ Ծնունդ
- 2) Սուրբ Վարդանանց տոն
- 3) Սուրբ Ղևոնդյաց տոն
- 4) Բուն Բարեկենդան
- 5) Սուրբ Հարության տոն
- 6) Մարիամ Աստվածածնի Վերափոխման տոն
- 7) Քրիստոսի Պայծառակերպության տոն
- 8) Ս. Թարգմանչաց տոն

Հայոց եկեղեցու ժամերգություններից ո՞ր երկուսն են խախտում օրացույցային օրվա սկզբից դրանց կատարման հերթականությունը.

- 1) Գիշերային
- 2) Արևազալի
- 3) Առավոտյան
- 4) Ճաշու երրորդ ժամի
- 5) Ճաշու վեցերորդ ժամի
- 6) Ճաշու իններորդ ժամի
- 7) Իսադադական
- 8) Երեկոյան
- 9) Հանգստյան

Թվարկվածներից որո՞նք են վերաբերվում 1836 թ. հաստատված Հայոց եկեղեցու կանոնադրությանը՝ «Պոլոթենիե»-ին.

- 1) «Պոլոթենիեն» կարգավորում էր ցարական կառավարության ու Հայոց եկեղեցու փոխհարաբերությունները և գոյություն ունեցավ մինչև 1922 թ.:
- 2) «Պոլոթենիեի» համաձայն Հայոց կաթողիկոսին ընտրում էր ազգային-եկեղեցական ժողովը:
- 3) Ազգային-եկեղեցական ժողովին մասնակցելու համար յուրաքանչյուր թեմ ընտրում էր երկու հոգևորական և չորս աշխարհական պատգամավոր:
- 4) «Պոլոթենիեն» բաղկացած էր 10 գլխից և 141 հոդվածից:
- 5) «Պոլոթենիեի» համաձայն Արևելյան Հայաստանը և Ռուսաստանի տիրապետության տակ գտնվող հայկական շրջանները բաժանվում էին 8 թեմի:
- 6) «Պոլոթենիեի» համաձայն զուտ դավանաբանական հարցերի հետ կապված որոշումները կայացնում էր Սինոդը:
- 7) «Պոլոթենիեի» համաձայն Հայոց եկեղեցու տնօրինությանն էին թողնվում դպրոցները, կրթամշակութային այլ հաստատություններ, ծննդյան, ամուսնության և թաղման գործերը:
- 8) «Պոլոթենիեի» համաձայն ազգային-եկեղեցական ժողովն առաջարկում էր երկու թեկնածու, որոնց անունները պաշտոնապես ներկայացվում էին ցարին, ով նրանցից մեկին հաստատում էր կաթողիկոս:

**Թվարկվածներից որո՞նք բնորոշ չեն հայկական խաչքարին.**

- 1) Խաչքարի միայն մեկ՝ արևելյան երեսն է մշակվում և զարդարվում, որովհետև եկեղեցածիսական կանոնի համաձայն քրիստոնյան աղոթելիս դեմքը պետք է դեպի արևելք դարձնի, քանի որ Քրիստոսի երկրորդ գալուստը արևելքից է ակնկալվում:
- 2) Խաչքարի պատվանդանը լինում է աստիճանաձև, խարսխաձև և բրգաձև:
- 3) Խաչքարի քիվի վրա հաճախ պատկերված են 4 ավետարանիչների խորհրդանշանները:
- 4) Խաչքարի քիվի վրա պատկերված երեք խաչը ներկայացնում է Ս. Երրորդության խորհուրդը:
- 5) Խաչքարի բրգաձև պատվանդանը հիշեցնում է Բաբելոնի աշտարակը:
- 6) «Ամենափրկիչ» կոչվող խաչքարերի քանդակագարդ երեսին պատկերված են Քրիստոսի խաչելության տեսարաններ:
- 7) Խաչքարերը միակտոր քարից ուղղանկյուն հորինվածքով, վերին մասում ինքնատիպ քուղով պսակված և պատվանդանի վրա տեղադրված կոթողներ են:
- 8) Խաչքարի կենտրոնը կազմող խաչը Աստվածաբան մեկնիչները համարել են Երուսաղեմի Սուրբ տաճարի խորհրդապատկերը:

**Աղթամարի Սուրբ Խաչ եկեղեցու վերաբերյալ ստորև բերված պնդումներից որո՞նք են ճիշտ.**

- 1) Սուրբ Խաչ եկեղեցու ներսում, արևելյան պատին գտնվում է Գագիկ Արծրունու մոր, կնոջ և դստեր որմնանկարները:
- 2) Սուրբ Խաչ եկեղեցու ներսում, խորանի վերևի հատվածում 12 առաքյալների խորաքանդակներն են, իսկ արևմտյան կողմում՝ «Աղամի արարումից արտաքսում» որմնանկարը:
- 3) Սուրբ Խաչը 927-1915 թթ. եղել է Աղթամարի կաթողիոսության կենտրոնը:
- 4) Աղթամարի Սուրբ Խաչ եկեղեցին կառուցվել է 915-921 թթ. Գագիկ Արծրունի թագավորի հանձնարարությամբ:
- 5) Սուրբ Խաչը քառախորան, խաչաձև գմբեթավոր կառուցվածքով եկեղեցի է:
- 6) Տրդատ ճարտարապետը Սուրբ Խաչ եկեղեցու հարևանությամբ կառուցել է մի քանի եկեղեցիներ ևս, որոնք սակայն չեն պահպանվել:
- 7) Սուրբ Խաչ եկեղեցու արտաքին պատերը զարդարված են վեց հորիզոնական շարք կազմող զարդաքանդակներով:
- 8) Սուրբ Խաչ եկեղեցու արտաքին պատերից մեկի վրա պատկերված է Գագիկ Արծրունի թագավորը՝ եկեղեցու մանրակերտը ձեռքին, կողքին՝ Հիսուս Քրիստոսը:

**Հոգևոր բարեպաշտական արարողությունների և սովորույթների վերաբերյալ ստորև բերված փաստարկներից որո՞նք են սխալ.**

- 1) Մոմավառությունը խորհրդանշում է խավար շրջապատի, դարձի չեկաճների, հեթանոսների և անհավատների լուսավորումը, ինչպես նաև քրիստոնյայի լուսավոր հավատը աստվածային կրակով մեղքի մոխրացումը:
- 2) Խնկարկությունը խորհրդանշում է առ Աստված բարձրացող աղոթքն ու օրհնությունը:
- 3) Անդաստանը կատարվում է, երբ պատարագի ընթացքում ասվում է «Աստուծոյ երկրպագեսցուք»:
- 4) Տնօրհների ժամանակ քահանան օրհնում է հացը, ջուրը, աղը և տան հիմքերը:
- 5) Մատաղն արգելված է Մեծ պահքի ժամանակ և պահոց օրերին:
- 6) Մոմավառությունը պատարագի և մյուս ծիսական արարողությունների ընթացքում Աստծուն երկրպագելու արարողությունն է:
- 7) Հոգեհանգստյան արարողության վերջում՝ «Քրիստոս որդի Աստուծոյ» աղոթքի ընթացքում, հիշատակվում են ննջեցյալների անունները:
- 8) Երկրպագությունը աշխարհի չորս ծագերի օրհնության արարողություն է:

**Տրված պնդումներից որո՞նք են սխալ.**

- 1) Բյուզանդական պատմագիր Պրոկոպիոս Կեսարացին գրում է. «Բյուզանդիան պարտական էր Հայաստանին հրաշալի զինվորներով, քանի որ X դարում հայկական ջոկատները բյուզանդական բանակի լավագույն զորամասերն էին համարվում»:
- 2) Միհիթար Գոշը գրել է, որ թագավորներն ու իշխանները հարկերը պետք է արդարությամբ վերցնեն, որովհետև «յԱստուծոյ կարգեցան ի պահպանութիւն եւ ի փրկութիւն աշխարհի եւ ոչ ի կործանումն»:
- 3) Փավստոս Բուզանդը Հայաստանն անվանել է. «հայոց լեզվի Թորգոմական աշխարհ»:
- 4) Հովհաննես Գ. Օձնեցի կաթողիկոսի պատվերով Անանիա վարդապետ Սանահնեցին գրել է «Խոսք հակաճառության ընդդեմ երկաբնակների» ճառը:
- 5) Եղիշեն իր աշխատության մեջ գրել է, որ բյուզանդական կայսերն իրենց թիկնագործի «ընտրության ժամանակ նկատի ունեին մարդկանց արժանիքները և հայերին էին տալիս նախապատվությունը»:
- 6) «Եղծ աղանդոց» աշխատության մեջ Դավիթ Անհաղթը գրել է. «Լավ է մաքուր մտքով քնել, քան պիղծ խորհրդով աղոթել և իզուր չարչարվել»:
- 7) Մովսես Կաղանկատվացու վկայության համաձայն Վաչագան Բարեպաշտ թագավորը տարվա օրերի թվով եկեղեցիներ է կառուցել:
- 8) Ըստ Գրիգոր Տաթևացու աղոթքի սրբությունները երեքն են՝ սրտի, լեզվի և ձեռքերի, քանզի աղոթքը նրանց միջոցով է կատարվում:

**Թվարկվածներից որո՞նք Հայ Առաքելական Եկեղեցու նվիրապետական աթոռներից չեն.**

- 1) Զմմառի կաթողիկոսություն
- 2) Սսի կաթողիկոսություն
- 3) Կոստանդնուպոլսի հայոց պատրիարքություն
- 4) Երուսաղեմի հայոց պատրիարքություն
- 5) Հոնիի կաթողիկոսություն
- 6) Գանձասարի կաթողիկոսություն
- 7) Մարաշի կաթողիկոսություն
- 8) Սյունիքի հայոց պատրիարքություն



**Գտնել ճիշտ պատասխանները.****Գարեգի Ա. կաթողիկոսի գործունեության արդյունքում՝**

- 1) Մայր Աթոռին վերադարձվեց ազգային նշանավոր բարերար Ալեք Մանուկյանի նվիրատվությամբ կառուցված Էջմիածնի հոգևոր ճեմարանի նոր մասնաշենքը, իսկ հին վեհարանն իր Ծաղկյա դահլիճով, վերածվեց թանգարանի:
- 2) ՀՀ զինված ուժերում ստեղծվեց հոգևոր ծառայություն, որը գլխավորում էր ՀՀ զինված ուժերի հոգևոր առաջնորդը:
- 3) Ամբողջությամբ վերակառուցվեցին Նորավանքի, Գորիսի, Արենիի, Սևանա կղզու եկեղեցիները և այլն:
- 4) Երևանի պետական համալսարանում հիմնվեց Աստվածաբանության ֆակուլտետ:
- 5) Վերաբացվեց Սևանի դպրանոցը:
- 6) ՀՀ Սահմանադրության մեջ ամրագրվեց, որ Հայաստանի Հանրապետությունը ճանաչում է Հայաստանյայց Առաքելական Սուրբ եկեղեցու որպես՝ ազգային եկեղեցու բացառիկ առաքելությունը հայ ժողովրդի հոգևոր կյանքում, նրա ազգային մշակույթի զարգացման և ազգային ինքնության պահպանման գործում:
- 7) Կազմակերպվեց հայոց մկրտության 1700-ամյակին նվիրված «Հոռմ-Հայաստան» ցուցահանդեսը:
- 8) Հաստատվեց «Ներքին թեմերի եկեղեցական կանոնադրությունը»:

**Քրիստոնեության ամրապնդման և հոգևոր կյանքի վերափոխման նպատակով ի՞նչ որոշումներ ընդունվեցին Աղվենի ժողովում.**

- 1) Սահմանվեց եկեղեցի հաճախելու կարգը:
- 2) Ճգնավորական շարժումը հովանավորելու համար որոշում ընդունվեց հիմնել մոտ երեք տասնյակ վանքեր և կուսանոցներ:
- 3) Արգելվեց մահացածների վրա անպարկեշտ լացուկոծ անելը:
- 4) Արգելվեց մերձավոր ազգականների միջև ամուսնությունը:
- 5) Արգելվեցին կախարդությունները:
- 6) Ամուսնություններն ամրապնդելու նպատակով սահմանվեցին 20 կանոններ:
- 7) Ծառաների և իրեց ենթակաների հանդեպ գթասիրտ լինելու և ընդհանրապես, նախարարներին աշխարհիկ պաշտոնների մեջ հմտանալու համար որոշվեց բացել հատուկ դպրոցներ:
- 8) Սահմանվեց բարեգործական հաստատությունների ծախսերը հոգալու կարգը:

**65** **Գրիգոր Լուսավորչի կյանքի հետ կապ ունեցող իրադարձությունները դասավորել ժամանակագրական հաջորդականությամբ.**

- 1) Ս. Երրորդություն եկեղեցու կառուցումը Աշտիշատում
- 2) Թագավորական ընտանիքի, ավագանու անդամների մկրտությունը Արածանի գետում:
- 3) Գրիգորի նշանակումը արքունի քարտուղար
- 4) Քրիստոնեական եկեղեցիների և վկայարանների հիմնադրումը Բագրևանդում
- 5) Կեսարիա քաղաքում Գրիգորի ձեռնադրումը եպիսկոպոս
- 6) Նորակառույց Մայր տաճարի օծումը

--	--	--	--	--	--

**66** **Եկեղեցիների անվանումները դասավորել ըստ դրանց կառուցման ժամանակագրական հաջորդականության.**

- 1) Սևանի կղզու Սուրբ Աստվածածին եկեղեցի
- 2) Զվարթնոցի տաճար
- 3) Անիի Մայր տաճար
- 4) Գանձասարի Սուրբ Հովհաննես Մկրտիչ եկեղեցի
- 5) Վաղարշապատի Ս. Հռիփսիմե եկեղեցի
- 6) Կարսի Ս.Առաքելոց եկեղեցի

--	--	--	--	--	--

**67** **Եկեղեցական ժողովները դասավորել ըստ դրանց գումարման ժամանակագրական հաջորդականության.**

- 1) Կ.Պոլսի տիեզերական ժողով
- 2) Արտաշատի եկեղեցական ժողով
- 3) Նիկեայի տիեզերական ժողով
- 4) Շիրակավանի եկեղեցական ժողով
- 5) Շահապիվանի եկեղեցական ժողով
- 6) Դվինի առաջին եկեղեցական ժողով
- 7) Եփեսոսի տիեզերական ժողով

--	--	--	--	--	--	--

68

Հայ նշանավոր աստվածաբան փիլիսոփաների անունները դասավորել ըստ նրանց գործունեության ժամանակագրական հաջորդականության.

- 1) Գրիգոր Նարեկացի
- 2) Անանիա Շիրակացի
- 3) Գրիգոր Տաթևացի
- 4) Եզնիկ Կողբացի
- 5) Հովհան Օձնեցի
- 6) Դավիթ Անհաղթ
- 7) Պարույր Հայկազն

--	--	--	--	--	--	--

69

Հոգևոր կենտրոնի անունը համապատասխանեցնել գավառի անվանը.

- |               |                     |
|---------------|---------------------|
| ա) Արշարունիք | 1) Կամրջաձորի վանք  |
| բ) Շիրակ      | 2) Գանձասարի վանք   |
| գ) Կարին      | 3) Նարեկավանք       |
| դ) Խաչեն      | 4) Գետիկի վանք      |
| ե) Վայոց ձոր  | 5) Դպրեվանք         |
| զ) Արտազ      | 6) Հնձուց վանք      |
| է) Ռշտունիք   | 7) Ցախսաց քարի վանք |
|               | 8) Ս. Թադեի վանք    |

Ա	Բ	Գ	Դ	Ե	Զ	Է

**Կատարել համապատասխանեցում.**

- ա) Նաղաշ Հովնաթան
- բ) Ս. Կյուրեղ Երուսաղեմցի
- գ) Մենեկա
- դ) Իմանուիլ Կանտ
- ե) Եզնիկ Կողբացի
- զ) Լեոնարդո դա Վինչի
- է) Հովհաննես Առաքյալ

- 1) Մեղք է և հեշտ, գործել չարիք  
Վարձք և դժվար՝ գործել բարիք:
- 2) «Ընչասիրությունը զուգակից է կռապաշտության»:
- 3) «Ով առաքինություն է ցանում, նա փառք է հնձում»:
- 4) «Շնորհ տալն Աստծու գործն է, այն պահելն ու պահպանելը՝ քոնը»:
- 5) «Սկզբում բարի բարքեր, նոր միայն իմաստություն, որովհետև առանց առաջինի չի կարող լինել երկրորդը»:
- 6) «Բարոյական լինելու համար միայն խելամտությունը շատ քիչ է»:
- 7) «Ով սիրո մեջ է ապրում, բնակվում է Աստծու մեջ, և Աստված բնակվում է նրա մեջ»:
- 8) «Առաքինությունից ավելի հարուստ ժառանգություն չկա»:

Ա	Բ	Գ	Դ	Ե	Զ	Է